



垂休錄序

余童子時每聞鄉先達稱

先朝王端毅劉忠宣韓忠定既少保陶恭介
立

朝大節至比于漢之汲長孺唐之裴晉公宋
之韓范富歐無間言余時心已嚮往及長

稍私習



國史間覽名臣傳記則端毅忠宣忠定歷官
顛末俱爛然可述而最後獲睹近代名臣
言行錄亦以公忠清方廉不媿文清輩中
人獨其生平大全猶未獲盡見以致居恒
區區嚮往之私弗及盡酬壬辰余與公之
曾孫登同對

公車癸巳同謁選天曹已又同除令令又同
隸濟南南北相望僅七八十里而遙時時
杯酒殷勤不啻骨肉余一日問及恭介公
時事而登因出一編視余曰此先曾王父
少保公垂休錄也

朝廷之制勅塋祭與諸大老之碑銘贈谷具
若臚列蓋先少保沒之四十年而是錄始
授之梓梓又二十年而更無有為是錄玄

晏先生者不佞敢以浼足下足下儻一言
之辱先曾父王不朽不佞登之獲稱為先
曾王父後人亦不朽余唯唯退而卒業蓋
公領成化省薦第一登辛丑進士始任刑
部主事擢至大司馬加少保謚恭介余以
公其登第之歲即視端毅忠宣忠定稱
然別歷中外所至有聲為

累朝所倚重同其進退辭受瞬息不滓雖
兒女童豎皆知為真君子同公又遭逆瑾
之構幾擠之死又與忠宣忠定同獨

世廟中興端毅忠宣忠定皆前已老而公
復用廷臣薦固即家起督漕務輒起輒告
輒又起佐成嘉靖十年之業今去公已踰
一甲子而海內論公者或曰范文正公或

曰司馬溫公余不敢謂從史聞昔蘇長公
平生不輕許可人而獨幸其為文正公序
集不輕為顯貴人作墓誌而獨自負為溫
公作碑無媿色余何敢望長公而獨私念
有文正溫國其人如公者得以么魔晚進
挂名其間以比于執鞭之誼以酬此居恒
之嚮往此其榮幸又寧減長公哉公之父
諱銓正統乙丑進士官陝西叅議兄諱璽
天順甲申進士子滋正德甲戌進士兵部
郎中以議

大禮謫戍榆林後贈太常寺卿皆有宦蹟
藉甚公卿間是錄獨為公設故第曰少保
陶恭介公垂休錄云

萬曆丙申夏至日後學年家晚生陽平董

復亨書于潤吏齋頭

奉

天承運

皇帝勅曰刑部古司寇之任慎刑罰以重民命故置屬特詳於諸部
然非仁恕明敏之士曷克稱焉尔刑部四川清吏司主事陶琰發
軻賢科擢秋官屬歷年茲久茂著公勤是用進尔階承德郎錫之
勅命以為尔榮尔尚體欽恤之意展審克之能使刑不濫而民不
冤斯稱任用尔惟欽哉

勅曰夫婦人倫之始肆朝廷推恩群臣命必及之蓋於存沒無間焉
尔刑部四川清吏司主事陶琰妻李氏早克相夫湫先朝露身雖
不逮恩尚可推茲特贈為安人九泉有知服斯寵命

勅曰國家推恩臣下而必及其室家者所以厚人倫之本也尔刑部四川清吏司主事陶琰繼室陳氏恪恭婦道允宜厥家夫既顯榮尔宜偕貴茲特封為安人服此茂恩永光閨閫

勅命

成化二十三年十二月二十五日

之寶

奉

天承運

皇帝制曰都臺秩峻夙稱雄要之班漕運務殷特慎總督之任矧當畿方之地兼持巡撫之權故必望實之素乎庶其委昇之不负賞

隨功懋命與階新咨尔都察院左副都御史陶琰才識閑通性資謹厚起自鄉閭之魁解蔚為甲第之名流首列職于秋曹久宣勞于邦禁提刑兩省著仲究理枉之功布政三藩懋宣化承流之績踐敷既久諳練益深肆升都憲之崇副我臺綱之重載登卿亞佐理邦刑眷茲漕運之艱仍領撫民之寄博詢廷議僉曰汝宜斷自朕心進居左轄乃能殫心體國正己率人區畫多方萬舸橫江而畢達撫綏有道群黎按堵以安居顧其操持罔間于初終勲績茂彰于中外屬茲大慶肇舉勳章可無寵名以示褒勸茲特進尔階通議大夫錫之誥命於戲人臣以盡職為忠勿謂闕廷之遠國家以勸賢為重實惟爵任之隆勉副訓詞嗣膺予寵欽哉

制曰君錄臣功錫命實隆于禮數婦從夫貴推恩無間于存亡况懿德之有聞在寵褒為尤重式闕風化備載典章都察院左副都御史陶琰妻贈安人李氏婉婉有儀祇勤靡忒鍾秀舊族德媿名流治內多勞早稱賢于宗部降年弗永竟闕美于泉扃遺範具存卹恩已布顧夫階之荐陟宜國典之載申茲特加贈為淑人庶懿靈之有知服休光於無斁

制曰婦職專於饋祀名不可虛君寵重於褒封禮無容廢矧我名臣之配克殫內助之勞既越常流宜承殊典都察院左副都御史陶琰繼室封安人陳氏性惟柔婉行特端莊夙奉姆儀克服圖箴之訓晚從夫貴猶存荆布之風婦道既修褒章乃錫顧今都憲復進崇階爰舉彛章載申寵命茲特加封為淑人益敦祇慎于有終尚副嘉名于不替

制 誥

正德六年正月十八日

之 寶

奉

天承運

皇帝制曰建功立業能臣殫許國之忠行道揚名賢子勵顯親之志况乃世臣之懿聿當勲績之成褒寵所加幽明罔間爾故陝西布政使司右叅議陶銓乃都察院左副都御史琰之父行履端良才

識通敏蜚英甲第筮仕行人比晉擢于郎曹遂分司于邦禮出參
藩省茂著民庸賢勞正擬于超升勇退遽全乎晚節訓成令子為
時名臣歷事

累朝久著忠勤之績峻登三品宜推褒卹之恩茲特贈為通議大夫
都察院左副都御史降祥委祉諒天道之足徵濟美象賢庶家聲
之益振爾靈不昧朕命其歆

制曰子德繇于母訓不專乎父之義方君寵重于褒崇實出乎國之
彝典况乃忠賢之績足徵慈範之良風教是闕恩章可後爾封宜
人李氏乃都察院左副都御史陶琰之母靜重端嚴孝慈恭慎稟
和華胄作配儒門卹寡矜孤仁不遺乎遠族奉公盡職義克相乎
良人儀刑久著于庭閨褒寵蚤膺乎綸綍眷惟詰嗣躋時顯庸茂
勲丕振于都臺祿養竟違乎鼎釜宜頒卹典以慰孝思茲特贈為
淑人母儀既遠而弥彰式弘佑啓國典有隆而無替庸勵顯揚尚
克歆承永昭宣漢

制 誥

正德六年正月十八日

之 寶

奉

天承運

皇帝制曰祖之積德慶澤必鍾于後人臣之効忠褒寵必及其先世

禮文攸重固風教之所關典式具存實彝倫之當厚爾贈奉直大夫禮部儀制清吏司員外郎陶春乃都察院左副都御史琰之祖父樸質不華安恬有守孝親敬長篤倫理于家庭恤置周窮播義聲于宗鄙曩緣子貴已沾追卹之恩今用孫階再被褒崇之命眷國章之愈厚見世德之是徵茲特贈為通議大夫都察院左副都御史遠貽丘隴之光益衍雲仍之慶

制曰錫類推恩朝廷舉勸功之典尊祖及妣子孫懷追遠之情蓋滿流者必求其源而觀德者必論其世事關風教禮備情文爾封大宜人梁氏乃都察院左副都御史陶琰之祖母恪謹提身惠和成性化行閨閫惠被族媼秉正道以相夫茂隆家範佐義方以成官列藩司眷德澤之延長肆聞孫之登用都臺進職丕振紀綱國典推恩載頒綸綍九原有耀百世其昌茲特贈為淑人庶其未泯之靈歆此至優之渥

制 誥

正德六年正月十八日

之 寶

奉

天承運

皇帝制曰司徒掌邦計漕運之務方殷都憲總臺綱巡撫之權實重並加峻職宜屬老成咨爾戶部尚書兼都察院左副都御史陶琰

縉紳偉望經濟奇才早著美于賢科久明刑于郎署兩迂臬府三任藩司荐超擢于中丞載進貳于司寇踐敷既久諳練滋深淮甸重臨實俯從乎民望漕司久任用仰給于京師既正位于卿曹宜誕膺乎寵命茲特進尔階資政大夫錫之誥命於戲當官以清慎勤尔克堅持乎素守在服有耆壽俊朕方圖任乎舊人勉副訓詞嗣膺寵擢欽哉

制曰國家礼重大臣恩及元配盖以正閨門以敦乎風化明倫理以達于治功事豈易圖恩非濫及戶部尚書兼都察院左副都御史陶琰妻贈淑人李氏性協坤柔礼婦儒彦相夫盡道宜家之業已成致位穹班贊治之功實著比因夫貴已錫寵名既晋崇階載加

顯號是特加贈為夫人幽靈未泯尚克歆承

制曰命婦有承宗之義位不可虛朝廷有並命之恩礼無容廢式闕風化備載典章戶部尚書兼都察院左副都御史陶琰繼室封淑人陳氏夙称華胄繼配儒流雖未同處困之勞亦克盡宜家之道夫階荐陟尔宜加榮茲特加封為夫人尚敦順正之風益迓駢蕃之寵

寶

嘉靖元年四月初八日

奉

天承運

皇帝制曰國家以旌獎為勸賢之道故有錫類之典焉矧我名臣丕揚偉績者尤國典之所必厚也尔故陝西布政使司右叅議贈通議大夫都察院左副都御史陶銓乃戶部尚書兼都察院左副都御史琰之父蚤登甲第首拜行人載擢春曹尋叅藩省方陟明而晉秩遽懇疏以歸田恣樂林泉茂膺壽祉以義方之訓致子有成亦惟尔才之成以耆德之臣時論稱賢亦惟尔德之賢友本之求曷容于緩申恤之命不憚其煩茲特加贈為資政大夫戶部尚書兼都察院左副都御史赫寵名用昭潛德

制曰以人子忠勤之績而考其母德之賢則義安而情稱矣國恩之賁亦豈忝哉尔封宜人贈淑人李氏乃戶部尚書兼都察院左副都御史陶琰之母夙勤慈訓致子有成比錄賢勞已頒恤命茲登顯位亦宜並榮茲特加贈為夫人顯其懿成慰尔幽靈

寶

嘉靖元年四月初八日

奉

天承運

皇帝制曰朕惟觀人之德必觀後世乃有徵焉故酬人臣之勞而上及其祖報有德也尔贈通議大夫都察院左副都御史陶春乃戶部尚書兼都察院左副都御史琰之祖父善積厥躬澤延後裔故聞孫之顯官列九卿豈獨尔家世之顯亦為我治朝之光可無寵

名以彰善類茲特加贈為資政大夫戶部尚書兼都察院左副都御史遠貽丘隴之華益衍雲仍之慶

制曰朝廷褒寵大臣尊其祖以及其妣者体其追遠之情也然必稽其德業之有成者乃畀之焉爾贈淑人梁氏乃戶部尚書兼都察院左副都御史陶琰之祖母積德履善肇開善源乃有聞孫為時良弼比酬往勩已荷追崇既晉穹階載申眷寵茲特加贈為夫人庶其未泯之靈歆此至優之渥

寶

嘉靖元年四月初八日

奉

天承運

皇帝制曰朕式稽古制優禮大臣生隆以官秩沒重以褒卹者所以篤始終之義也故太子太保南京兵部尚書陶琰發跡甲科歷官中外參贊留都益隆聞望歸休故里倏爾長終爰念徃勞庸申卹典茲特贈少保謚恭介於戲持恭守介已効用於明特稽行易名永垂休於奕世冥靈不昧渙渥其承

寶

嘉靖十二年正月二十七日

勅陝西按察司副使陶琰今特命尔前去固原高橋靖虜等處專一往來巡歷撫安土達仍整飭固原靖虜甘蘭等處兵備操練軍馬

修理城池墩臺關堡撫恤士卒防禦賊寇保障地方及督理糧儲
禁革奸弊凡一應邊情軍務須與分守叅將等官會議停當而行
仍聽陝西鎮守巡撫官節制不許偏執違拗妨政害事若有軍職
及守備官員賣放縱容官攢人等通同豪滑刁潑軍民兜攬錢糧
虛出盜賣并隱藏逃軍逃囚等項許爾徑自叅奏拏問爾為憲臣
受茲委託務須持廉秉公禁革奸弊盡心戮力以安邊境如違罪
不輕宥爾其勉之慎之故勅

廣運

弘治六年十月初五日

之寶

皇帝勅諭都察院右副都御史陶琰今特命爾巡撫河南地方修理
城池安輯人民及督理一應稅糧馬草使軍民及時耕斂依期輸
納凡遇居民飢荒須設法賑濟流民復業尤須用心安插俾不夫
所若有盜賊生發即便調遣官軍民壯勦捕毋令滋蔓爾宜宣布
朝廷德意戒諭軍衛有司務以安養軍民為心非奉朝廷明文一
毫不許擅科一夫不許擅役官吏有能奉公守法修舉政務者量
加獎勸以禮相待其貪酷不才害人悞事者從公黜罰若軍職及
文職五品以上有犯具奏區處其餘就便拏送所司究問凡事有
便於軍民者悉聽爾從宜處置應與鎮守三司等官會同者亦須
開心見誠從長計議而行毋得偏執自用如遇陝西急缺糧草必

須酌量遠近僨運接濟不可自分彼此爾為風憲重臣尤須公廉勤慎正已率下務使軍民安妥地方寧謐庶副委任如或行事乖方招謗速怨責有所歸爾其勉之慎之故諭

寶

正德元年三月二十三日

勅刑部右侍郎陶琰今特命爾同錦衣衛指揮僉事余寘前去會同鎮守太監總兵巡撫都御史將李高張天衢姜闕等有名人犯提拏到官仔細推問務見明白奏來處治果干碍徐謙及都指揮把宗烏名等另行奏請爾為大臣受茲委任務須持廉秉公循理奉法使皆得實人心允服保無後詞斯稱朕明刑慎法之意毋得朦朧偏徇致有枉抑自貽罪責爾等其欽承之故勅

寶

正德二年 月 日

皇帝勅諭都察院左副都御史陶琰今特命爾總督漕運與總兵官鎮遠侯顧仕隆參將署都指揮僉事梁重同理其事務在用心規畫禁革奸弊運糧官軍有犯自指揮以下輕則量情懲治重則拏送巡按巡河御史及原差問刑官處問理照例發落都指揮有犯具奏拏問若刁潑軍旗乘機誣告對証涉虛者治以重罪自通州至揚州一帶水利有當蓄洩者嚴督該管官司并巡河御史管河管洪郎中等官設法用工築塞疏濬以便糧運仍兼巡撫鳳陽淮

安揚州廬州四府徐滁和三州地方撫安軍民禁防賊盜清理益課賑濟飢荒城垣坍塌隨時修理守城官軍以時操練或有盜賊生發盜徒強橫即便相機設法撫捕衛所府州縣官員有廉能公正者量加獎勸貪酷不才者從公黜罰凡事有利於軍民者悉聽爾便宜處置爾為朝廷大臣素有才望特茲簡任須殫心竭慮輪忠効勞凡百舉措務合事宜俾糧運無誤軍民安妥盜賊屏息地方寧靖斯稱委任如或非方誤事責有所歸爾其欽承朕命毋忽故諭

寶

正德五年十月二十六日

勅都察院右都御史陶琰近得南京內外守備等官奏山東殘賊從湖廣奔至鎮江蘇松等處又得浙江鎮巡官奏江西姚源盜賊奔出德興弋陽等縣俱與浙江相隣已命彼處鎮巡督同三司守巡兵備備倭等官揀選官軍民快人等分布防禦朕念浙江地方廣闊多事之時恐各官顧理不周兼近年以來水旱不時軍民困苦法度廢弛官吏貪刻必須得人整理特命爾前去巡視地方往來提調各該官員操練官軍招募義勇修濬城池處置糧餉及馬疋船隻器械等項勦殺盜賊寬釋脅從用兵之際自指揮以下不用命者就於軍門斬首示眾仍將兵部奏准山東江西賞罰條格通行各司府縣衛所官吏軍民人等知所懲勸兼遍歷所屬宣布朝

廷德意安慰人心賑恤貧窮存問疾苦務使人沾實惠不至失所
軍衛有司官負有廉能幹濟及禦盜有方者奏請旌擢其貪殘不
職及怯懦退避者具奏罷黜凡可以弭盜安民有益地方事宜悉
聽爾便宜區處應與鎮巡等官計議者從長計議而行不許互相
違拗重大事情應奏請者條奏來聞朝廷以爾素有才望特茲簡
命爾宜盡心竭力凡事務臻實效使軍民樂業盜賊屏息地方安
靖斯稱委任如或因循怠玩責有司存之日具奏定奪故勅

寶

正德七年七月十七日

維正德七年歲次壬申 月 日

皇帝謹遣都察院右都御史陶琰祭告于

南鎮會稽山之神

曰近歲以來群盜為梗生靈被害在在有之命將徂征稍臻平定
餘災未殄尚累天和水旱相仍妖祥疊見永思厥咎良切疚心爰
與群臣飭躬修政同期

昭格庸迓

神庥伏冀

神明憫茲黎庶轉災為福綏我家邦不勝慊、懇禱之至謹

告

勅巡視浙江地方都察院右都御史陶琰得爾與鎮守太監劉璟奏

江西之賊流入開化地方戕害官軍勢甚猖獗已命叅將桂勇統領保定等衛達官達舍一千員名前去會合勦殺但恐賊多兵少难以成功特勅爾會同劉璟再於處溫等府選取諳曉武藝官軍民快三千員名交與叅將李隆督同都指揮傅銘江洪各分布統領親詣衢州及饒信等處會同都御史俞諫總兵官李鑑隨賊向往相機截殺務期盡絕無容貽患地方仍戒諭領軍官一應進止機宜聽提督軍務官節制不許執拗違誤經過及任劄去處不許縱容軍士生事擾人爾凡有奇謀長策可以滅賊事宜聽爾與提督官集議採擇施行應奏請者明白具奏定奪爾其欽承之故勅

寶

正德八年三月初三日

勅巡視浙江地方都察院右都御史陶琰得爾及鎮守太監劉璟巡按御史王堯封奏賊首王浩八劉昌三蔡六二等流入開化常山以來爾等即會行都指揮李隆江洪傅銘叅議段敏僉事儲珊并知府劉斐黃衷同知伍文定等分布防守續因賊勢益張復委布政使馬金按察使范鏞贊畫方畧僉事吳希由劉炳祥催督軍餉自正月以來李隆等督同官兵在於嶮頭華埠孔埠升口池淮等處陸續生擒賊徒五十餘名斬獲首級三百餘顆奪回并解散男婦約有三四千人三月十九日賊衆乘夜踰過嶮嶺遁回江西去訖朕念前項逆賊背招復出殘害生民擾亂三省在王法所不可

敕今尔等調度有方及各官協謀効力致有此捷覽奏朕心嘉悅除有功官軍人等待報至日照例陞賞茲特降勅獎勵以旌尔勞但賊首未獲難保其不復侵犯仍須督率三司及領軍官員加謹防遏隣境有事务要遵照前勅督發李隆及各處官兵隨賊向往協力勦殺不許自分彼此致誤事機再貽後患尔其欽承之故勅

寶

正德八年五月二十六日

勅巡視浙江都察院右都御史陶琰近該提督江西軍務都御史俞諫奏稱萬年縣賊首王重七等背招復叛殺官燒縣勢甚猖獗東鄉縣賊首雖擒餘黨亦未肅革乞調各處土兵與邊遠官軍相

攻勦事下兵部覆題訪得浙江處州府所屬尚有驍勇快手相應調用茲特勅尔會同鎮守太監劉璟巡按御史袁宗儒再於該府選調精銳慣能殺賊民快二千名就令知府劉斐管領該道守巡官各一員親督俱到江西地方聽部御史俞諫總兵官劉暉調度會合勦殺但不許附帶家丁縱容沿途為患起程之日尔等嚴督本處官措置銀兩或隣近府分動支官錢厚加賞犒合用廩給行糧等項先行經過軍衛有司驛遞衙門一体應付不許時刻稽遲領兵官員仍諭令嚴加禁約所過地方不許秋毫無擾害有違犯者許即時斬首示衆有功之日一体陞賞別隊官軍不得攘奪功次尔等仍先將起程日期令差去人員賚文回報尔為風憲大臣受

巡視重托當隣境有事生靈受害之日務宜同心共濟以寬朕南顧之憂毋得自分彼此延緩推托致悞事機尔其欽承之故勅

寶

正德八年十月十六日

皇帝勅諭都察院右都御史陶琰今特命尔總督漕運與總兵官鎮遠侯顧仕隆參將署都指揮使梁壘同理其事餘同前漕運勅詞

寶

正德九年十一月初四日

勅巡撫鳳陽等處都御史陶琰今命司禮監右監丞王德押送江西庶人覲鍾等十三名并家眷人口前去鳳陽高牆內居住收管安

插按月照例給與柴米養贍仍撥人看守門戶鎖鑰務要嚴謹關防毋令與外人交接別生事端如或房屋不勾居住守備太監張陽與尔并巡按御史即便督同留守司并該府官相度相應地方量行修築蓋造必須安插停當勿致踈虞尔其欽承之故勅

寶

正德十六年七月二十日

皇帝勅諭戶部尚書兼都察院左副都御史陶琰今特陞尔前職仍總督漕運與總兵官署都督僉事楊宏參將署都指揮同知王玉同理其事餘同前漕運勅詞

寶

正德十六年十一月初五日

皇帝勅諭太子少保南京兵部尚書陶琰

朕惟南京國家根本重地而機務重托非歷練老成奚堪委任今特命尔不妨部事參贊魏國公徐鵬舉等守備機務整飭兵備固守城池操練軍馬撫安人民但遇盜賊生發隨即調兵相機勦捕毋令滋蔓凡一應軍民事務利害當與衆議有當革者悉聽尔同守備內外官員計議停當而行其管軍管匠等官并各大小頭目人等若有科擾剋害私自占役下人致妨操練及工作等事尔即禁約清理如法敢有故違者輕則量情懲治重則奏聞區處朕以尔才識老成特茲委任尔當益竭忠誠持廉秉公正已率人務得專

安民安以副委用如或處置乖方偏執誤事責有所歸尔其欽承朕命勉之慎之故諭

寶

嘉靖元年十二月二十日

勅太子太保南京兵部尚書陶琰卿以宏才偉器早第甲科筮仕郎曹踐更藩臬出臺入省累試繁難所至有聲勤勞茂積中間坐忤權倖兩遭黜罰落職者三年致仕者五年矣屢進屢退喜愠不形清修直亮時論躋之朕入紹大統圖任老成亟起卿于家寄以漕事之重旋因廷薦入掌邦土又能慎重法守屢進謹言朕心嘉悅乃者特加宮保進大司馬俾司留鑰豈惟資壯猷以濟時艱亦將

假耆德以鎮雅俗而視篆未幾歸志浩然蓋自召用以來二年之間乞休之疏凡十上矣敦勉雖切祈請益堅重遠雅尚特茲俞允載加亨秩以示優宗爰給舟車送還鄉里仍命有司歲時以禮存問月給食米三石歲撥人夫四名應用於戲進禮退義君子之大閑優老尊賢國家之令典卿之歸可謂榮矣尚其頌神葆真導引和氣益邵乃德壽乃身以裕乃後昆惟鄉之休亦惟邦家之光欽哉故勅

廣 運

嘉靖二年八月二十九日

之 寶

禮部為比例陳情懇乞

天恩優卹贈謚葬祭以勵巨節以光泉壤事該本部題祠祭清吏司案呈奉本部送准吏部咨該本部題驗封清吏司案呈奉本部送吏科抄出右軍都督府經歷司都事陶冶奏臣原籍山西平陽府絳州人由官生嘉靖五年二月內

欽除前職臣為因親老疾病本年九月內奏乞終養蒙

欽准回籍養親臣父陶琰中成化十七年進士丁父憂起復除授刑部四川司主事弘治元年陞本部山東司員外郎弘治二年陞陝西按察司僉事都御史王宗彝御史張文張黻旌舉三次弘治六年因撫按保舉陞本司副使奉

勅整飭固原等處兵備訓練士卒修備器械遠賊不敢侵犯都御史
熊翀御史李瀚王用周琰常賜劉紳李咨燕忠共旌舉八次弘治
十四年歷俸將九年陞福建按察使陞任未踰月遠賊擁衆入寇
恣意搶殺六七百里之內咸被其害御史陳玉王宗彛旌舉二次
弘治十七年陞浙江右布政使給事中許誥謝綬旌舉二次既而
南京十三道御史沈賚等疏薦天下官十三員臣父為方面第一
吏部題覆不次擢用弘治十八年陞福建左布政使正德元年調
山東左布政本年陞右副都御史奉

勅巡撫河南地方正德二年陞刑部右侍郎逆瑾用事本年五月內
陝西遊擊將軍徐謙訐奏巡按御史李高謙厚賂逆瑾欲中傷高

謙差臣父至陝從公勘奏瑾銜之切骨本年冬矯

旨將臣父下錦衣衛獄禁錮五十餘日鎮撫司無罪可入復矯

旨將臣父革去侍郎職銜着令冠帶閑住瑾怒猶未止撥拾他事罰

米一百石本州預備倉上納訖止德五年矯

旨追奪

誥命又罰米三百石責令親赴大同上納變賣產業間九月內逆瑾

明正典刑遇蒙

赦宥給與所奪

誥命免罰前米言官交章論薦下廷臣議僉謂臣父去官非罪起

改左副都御史總督漕運兼巡撫鳳陽等處地方領

勅赴任淮乃東南貢賦必由之衝進 貢經過船隻魚貫而來求索無厭軍民受害不可勝言臣父禁其侵漁常廩之外一毫莫取淮之軍民始得蘇息先是管運官員科索運軍力難糧戶以致糧運愆期間臣父到淮咸知警畏不敢犯法而糧得早完軍民不擾正德六年陞南京刑部右侍郎正德七年七月內巨盜劉六等自北而南犯浙之嘉興王浩八等自西而東犯浙之衢州鎮巡官以狀聞于

上着吏部會推素有才望着實幹事官來看會謂臣父宜往

上可其奏陞右都御史巡視浙江地方奉

重書及關防 符驗旗牌以便行事至則劉六等即被殄滅浩八等

皆聽招撫人心南安而是月中旬寧紹地方颶風大作海勢若漫天居民死者不可勝數生者蕩析離居承

命祭告南鎮禮畢親臨被災去處乃出帑藏銀兩賑救貧困八萬餘口咸得更生及委官修築海堤捍水自蕭山起至餘姚凡五萬五千五百餘文民乃奠居又慮江西殘賊雖已招撫恐其見我兵撤復來侵犯乃奏於衢州添設兵備一員及於群寮中簡拔得參議段敏同知伍文定等才堪統兵責令衢州地方備禦越明年正月內前賊萬餘突入開化常山大肆劫掠我師大集一戰平其三壘再戰搗其窠穴斬獲賊首汪十三其餘不可悉計餘賊冒兩宵遁復令官兵西逐數日之間首從俱盡不惟浙東獲安而江西亦賴

以寧謚矣捷聞于

朝臣父陞俸從一品 賜以璽書白金綵幣其餘賞功有差賊平之後修築開化常山遂安蘭谿石城四座以為保障事寧回京適總督負缺復改漕運兼理巡撫再至淮上權貴聞風而惧漕政不勞而舉在淮浙共五年求退休疏凡七上第一疏奉

聖旨陶琰不准致仕着用心辦事吏部知道欽此第二疏奉

聖旨陶琰居官動慎着照舊用心辦事所辭不允吏部知道欽此第

三疏奉

聖旨卿方膺委任不允休致宜用心巡視地方吏部知道欽此第四

疏奉

聖旨陶琰不准休致着照舊供職務展素蘊以副委任吏部知道欽

此第五疏奉

聖旨卿有疾宜善加調理用心辦事以副委任不允所辭吏部知道

欽此第六疏奉

聖旨卿才行老成譽望素著敷歷中外多効賢勞總督重任方切委

託宜勉副朕意不必再辭吏部知道欽此第七疏奉

聖旨卿累乞休致情詞懇切今勉從所請准馳驛去有司月給米二

石歲撥人夫二名應用該部知道欽此致仕家居垂七年巡撫都

御史張檉巡按御史張鵬甯欽文章薦舉有云貞方不詭履素無

瑕才智優於機務德望重於

朝野宜超拔起擢響用 明時以畢其平生期待未盡之蘊
皇上御極給事中齊之鸞御史任洛南京六科給事中孫懋等文章
論薦有云操持端正才望優隆清介絕俗足以當

新政之舉 廷臣會議復起總督漕運兼理巡撫尋陞戶部尚書嘉
靖元年改工部尚書具本辭免蒙

勅下吏部差官催促到任本年十一月二品三年考滿蒙

賜寶鈔羊酒嘉靖二年改南京兵部尚書加太子少保叅贊機務
陛辭領

勅蒙賜寶鈔既而至南京懇疏乞休御史曹嘉給事中彭汝寔南京
六科給事中魯綸等南京十三道御史唐動等交章保留有云存

心正大處事精明宿德重望清白無瑕乞

賜慰留以答時望彼時臣父年七十有五十疏乞休方蒙

俞允第一疏奉

聖旨卿

累朝耆舊清慎老成新政之初特茲起用宜照前旨上緊赴任管事
以副朕簡賢圖治至意所辭不允吏部知道欽此第二疏奉

聖旨朕以卿清謹老成特用召起豈可引年固辭陞戶部尚書兼都
察院左副都御史用心督理漕政撫安地方以副重託換與勅書
所請不允吏部知道欽此第三疏奉

聖旨朕以漕政久廢地方疲弊已極卿才猷充贍精力未衰特加新

秩仍無舊任用示委重之意成命已下所辭不允吏部知道欽此
第四疏奉

聖旨卿才行老成譽望素著宜照舊用心巡撫地方修舉漕政用副
朕起用至意所辭不允吏部知道欽此第五疏奉

聖旨新政之初群賢滿朝卿以舊德獨勞于外特茲召還改任工部
朕方延竚以俟豈可引疾輒求休致宜亟來供職以副眷遇至意
吏部還上緊差官前去催促即日就道毋或稽遲欽此第六疏奉
聖旨留都叅贊係是重任朕念卿才行老成譽望素著特茲簡用仍
加官秩宜勉承新命不允所辭吏部知道欽此第七疏奉

聖旨卿

累朝耆德叅贊留務方膺簡任宜安心供職以副委託豈可引年輒
求休致所辭不允吏部知道欽此第八疏奉

聖旨南京重地叅贊重任朕以卿譽望素重特從會推簡用到任未
及數月輒再稱疾引年固求休退似非老臣體國之義宜照舊安
心供職所辭不允吏部知道欽此第九疏奉

聖旨朕以卿

累朝耆舊簡在留都屢疏乞休已節有旨慰諭勉留宜照舊安心供
職不允所辭吏部知道欽此第十疏奉

聖旨卿以

先朝耆舊自起用以來慎重法守屢進謹言新政之初方切委任乃

固求休退再覽今奏益見懇切忠愛至意特允所請還加太子太保駕勅着馳驛還鄉有司月給食米三石歲撥人夫四名應用歲時以禮存問該部知道欽此隨

降璽書一道

龍章烜赫 恩敷駢蕃出於尋常萬々也臣父回籍每日惟望

闕焚香叩頭祝

聖壽之無疆祈

前星之早耀而已致仕之後御史浦銍朱洸王泮劉濂等交章論薦

有云清謹素聞老成忠愛年雖七袞精力不衰仍乞

召用嘉靖七年奉

恩詔命有司具絲帛羊酒勞問尋該吏部題奉

欽依進階光祿大夫臣父不勝感激已嘗具疏謝

恩近於嘉靖十一年七月十九日不幸在家病故時年八十四歲臣

切念臣父歷事

四朝受知

列聖中讐逆豎於觸禍機喜愠不形於進退清苦無間於初終建業立功完名全節兩歸田里由於自陳八轉京堂未經彈劾論薦計五十餘疏歷官踰五十二年生前既荷

浩蕩之恩身後望加優卹之典伏乞

皇上俯念臣父曾効犬馬微勞

勅下該部比照尚書周經韓文事例

特賜贈謚祭葬臣冒干

天威不勝戰慄恐懼俟 命之至等因奉

聖旨該部知道欽此欽遵抄出到部又該巡撫山西都御史黃鍾題
為病故大臣事按山西布按二司并守巡河東道副使等官曹嘉
等呈批平陽府申備絳州申轉呈到臣會同巡按御史王獻覆查
相同議照病故致仕太子太保南京兵部尚書陶 正大光明本
之天性清修若節出自渾成歷事

四朝始終一節德位兼隆名壽罕見如蒙

勅下該部再加查議上請 賜給祭葬贈謚用以昭

朝廷優禮耆德至意庶在位臣工咸知所勸矣奉

聖旨該部知道欽此欽遵抄出到部送司已經查照備付前來檢照
諸司取掌內開文取官員生前果有功績合加封者例與加贈又
查得秦內太子太保尚書周經韓文俱與加贈通查案呈到部看
得都事陶冶奏稱伊父太子太保南京兵部尚書陶 歷任年久
曾効勤勞今因病故乞

賜贈謚祭葬一節既該撫按官具奏前來除謚祭葬係隸別部掌
行移咨徑自查覆外惟照本官歷中外前後五十餘年三總漕
河多著勞績兩承

召用皆由論薦巡視浙江擒斬逆黨之寇悉贊未幾十上懇辭之疏

跡其平生可謂有功無過者也所擬贈官一節實為相應但
恩典出自

朝廷臣等未敢擅擬等因具題奉

聖旨陶琰准贈少保欽此除欽遵外所擬祭葬謚號係隸貴部掌行
合咨前去煩為查照施行等因到部隨擬山西平陽府絳州申稱
本州致仕尚書陶 在家病故切照本官正大光明得於學力清
修寒苦渾若天成故歷事

四朝風裁每騰於士論退居十載操持益重於鄉評勞稱其官而名
不爽壽享其德而死亦哀亦忠報

國清白傳家礪行一生受知

列聖今既卒於正寢例應請予

朝廷卹典俯加人心知勸况本官係一品大臣例該祭葬贈謚等因
通送到司行准吏部文選考功司手本查得本官歷官陞任與奏
相同回報到司查得先該尚書周經韓文各病故俱該吏部題准
各與祭葬謚號外又查得先為乞

恩比例贈謚事節該奉

武宗皇帝聖旨今後有乞恩贈謚的恁部裏還要

合公議不許一槩徇情比例濫請該科記着欽

例在京一品文官病故與祭九壇工部應付棺

并輟朝一日今該前因案呈到部看得太子

陶 病故係在京文職一品官員除輟朝日期外其題外例該
與祭九壇行移翰林院撰祭文工部照依品級給與祭服及行山
西布政司轉屬支給官錢買辦祭物香燭紙紮等項布政司堂上
官致祭所擬

賜謚一節為照本官歷事

累朝晉秩官保清苦之操允孚於士論建立之蹟著於漕河中經
忤權落職卒以守正復官進退始終不二其節士夫行業槩有可
觀壽考令終足稱耆德所擬

賜謚一節似亦相應但

志與出自

卷之四